

NAQQIUT

Allannguutissatut siunnersuut
27. septembari 2018-imeersoq taarserpaa

(§ 20-miittoq § 01 imm. 2-mi innersussineq imaalillugu allanngortinneqarpoq § 01,
innersuussineq eqqunngitsumik paasissutissiimmat.)

Allannguutissatut siunnersuut

uunga

Uunga siunnersuut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piunasaqaatit pillugit Inatsisartut inatsisaat nr. xx, xx. xxx 2018-imeersoq

(Aaqqissuussaaneq aamma aningaasalersuineq kiisalu peqqinissaqarfimmit sullissineq allanngortinneqarput)

Aappassaanneerinissamut Naalakkersuisunit saqqummiunneqartoq

§ 1-imut

1. § 1, imm. 2 imatut oqaasertalerneqarpoq:

” Imm. 2. Kalaallit Airports A/S-ip suliassat imm. 1-imi pineqartunut ilaasut ingerlatseqatigiiffinni immikkoortorta qarfiusuni ataatsimi arlalinniluunniit isumagisinnaavai. Namminersorlutik Oqartussat suliassat imm. 1-imi pineqartunut ilaasut isumagineqarnissaannut ingerlatseqatigiiffinnik piginnittunik imaluunniit ingerlatseqatigiiffinnik suleqatigisanik pisariaqartunik 100 %-imik pigineqartunik pilersitsisinnaapput.”

2. Imm. 3-tut ilanngunneqarpoq:

” Imm. 3. Inatsimmi aalajangersakkani allani Kalaallit Airports A/S-imi taamatutaaq suliassat imm. 1-imi pineqartunut ilaasut isumagineqarnissaannut ingerlatseqatigiiffiit immikkoortorta qarfiit piusinnaasut pineqartunut ilaapput.”

§ 6-imut

3. § 6 imatut oqaasertalerneqarpoq:

” § 6. Naalackersuisut Kalaallit Airports A/S-imi aktianut aningaasaatinik ataasiarlutik arlaleriarlutilluunniit qaffaanissamut piginnaatinneqarput.

Imm. 2. Aningaasaatinut qaffaatissat ataatsikkut akilerlugit 2,1 mia. koruunit tikillugit aningaasaatinut aningaasaliinissamut Naalackersuisut atsiorderisigut aammalu § 01 malillugu aallarniutitut akiliuteqarnikkut, pisinnaavoq. Tamatuma saniatigut Naalackersuisut 0,7 mia. koruunit tikillugit naalagaaffik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi aningaasaatinut qaffaatissanik ataatsikkut akilerlugit atsiortinnissaanut piginnaatinneqarput.

Imm. 3. Naalackersuisut Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi aktiaatilittut pisinnaatitaaffiit pillugit danskit naalackersuisuinut piginnittut isumaqatigiissutaannik isumaqatigiissuteqarnissamut piginnaatinneqarput.”

Paragraffi nutaaq

4. § 6-ip kingorna paragraffi nutaaq ilanngunneqarpoq:

” § 01. Naalackersuisut isumaqatigiissuteqarnikkut imaluunniit aallarniutitut akiliuteqarnikkut Nuummi aamma Ilulissani Namminersorlutik Oqartussat mittarfii pioreersut tunniussinnaavaat, ilanngullugit pigisat aalaakkaasut aamma teknikkikkut atortut imaluunniit taakkua ilai kiisalu Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi nunaminertanut pisinnaatitaaffiit. Pisinermi akigititassaasinnaasoq Namminersorlutik Oqartussat Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmut immikkoortorta qarfiusumut taarsigassarsititsinerisigut uppersarsarneqarsinnaavoq.”

§ 11-imut

5. § 11, *imm. 1* imatut oqaasertalerneqarpoq:

” Sulisitsisup illuliornermik sanaartornermillu suliaqarnermi illuliornermi sanaartornermilu sulisunik nunanit allaneersunik § 8, *imm. 1*-imi pineqartunut ilaasunik sulisoqartup isumaqatigiissummi makkuninnga pisussaaffeqarnissaa, Kalaallit Airports A/S-ip qulakkiissavaa:

1) Sulitilluni ajoqusernissamut sillimmasiissummut aamma inuussutissarsiorluni napparsimalernissamut sillimmasiissummut inatsimmi pisussaaffiliussamut sillimmasiisimanissaa aningaasartuutinillu akiliinissaa.

2) Illuliornermi sanaartornermilu sulisunik nunanit allaneersunik, peqqinnissaqarfiup sullississutai pillugit inatsit sukkulluunniit atuuttoq malillugu akeqanngitsumik sullinneqarnissamut pisinnaatitaanngitsunik, napparsimasunik ajoqusersimasunillu

aallarussinissamut, assartuussinissamut katsorsaanissamullu aningaasartuutitut matussutissamik sillimmasiissummut sillimmasiinissaq aningaasartuutinillu akiliinissaq.

3) Illuliornermi sanaartornermilu sulisut nunanit allaneersut, § 8, imm. 1-imi pineqartuni illuliornermik sanaartornermillu suliaqarnermi sulisorineqarunnaarpata, Kalaallit Nunaannit aallarnissaasa qulakkeernissaa taakkunungalu aningaasartuutit akiliinissaq.”

§ 20-imut

6. § 20, imm. 2 imatut oqaasertalerneqarpoq:

” Imm. 2. Naqissusiisussaannginnermut aamma allagaatit taarsigassarsinermullu uppersaatit il.il. pigisanik nalilinnik § 01 pineqartunut ilaasunik Kalaallit Airports A/S-imut tunniussinermut atatillugu suliarineqartut, ilaatinneqarput.”

§ 21-imut

7. § 21 imatut oqaasertalerneqarpoq:

” **§ 21.** Inatsisartut inatsisaat manna akuerineqarnermini atuutilerpoq.”

Nassuiaatit nalinginnaasut

1. Tunngaviusoq

Kalaallit Nunaanni mittarfiliassani danskit suleqataanissaat aammalu Danmarkip aamma Kalaallit Nunaata akornanni inuussutissarsiornermi suleqatigiinnerisa nukittorsarneqarnissaat pillugit Naalackersuisut aamma danskit naalackersuisui ulloq 10. september 2018 isumaqatigiissuteqarput.

Isumaqatigiissut imatut oqaasertaqarpoq:

”Danskit Kalaallit Nunaanni mittarfiit pillugit suliniummut tunniusimanissaat aamma Kalaallit Nunaat Danmarkilu inuussutissarsiornermi suleqatigiinnerunissaat pillugit

Naalackersusut danskillu naalackersuisuisa isumaqatigiissutaat

Kalaallit Nunaanni attaveqaatit nutarterniarlugit pitsanngorsarniarlugillu aamma inuussutissarsiorneq nukittorsarniarlugu mittarfinnik arlalinnik sanaartornissamut Inatsisartut 2015-imi ukiakkut tunngaviusumik aalajangiipput. 2018-imut Aningaasanut Inatsit Nuummi, Ilulissani Qaqortumilu mittarfinnik nutaanik sanaartornissamut taakkunungalu aningaasalersuinissamut oqaasertaliussanik imalik Inatsisartut akueraat. Nuummi, Ilulissani Qaqortumilu mittarfinnik nutaanik sanaartornissaq pillugu inatsisissatut siunnersuutip 2018-imi ukiakkut Inatsisartunit suliarineqarluni naammasineqarnissaa naatsorsuutigineqarpoq.

Naalackersuisut ingerlatseqatigiiffik Namminersorlutik Oqartussanit pigineqartoq Kalaallit Airports A/S 2016-imi pilersippaat, taassumalu mittarfiit taakku pingasut sananeqarnissaat ingerlanneqarnissaallu isumagissavaa.

Manna isumaqatigiissut Nuummi Ilulissanilu mittarfinnut aningaasalersuinissamut attuumassuteqarpoq. Kalaallit Airports A/S ingerlatseqatigiiffimmik Nuummi Ilulissanilu mittarfinnik taamaallaat sanaartortitsisussamik ingerlatsisussamillu pilersitsissaaq.

Namminersorlutik Oqartussat namminneq aningaasaatiminnit 1,4 mia. kr.-nik aamma akisussaalluni taarsigassarsinikkut aningaasaatiminnit 0,1 mia. kr.-nik tapiissuteqassapput.

Suliniutip aningaasaqarnerata aalajaannerunissaa siunertarlugu naalagaaffik nammineq aningaasaatiminik tapiissuteqarniarput aamma Kalaallit Airports A/S-illu ingerlatseqatigiiffiata Nuummi Ilulissanilu mittarfinnik ingerlatsinissaanut sanaartortitsinissaanullu erniakitsunik taarsigassarsinissaanut qulakkeerinneqataassaaq.

Taamaaliornikkut taarsigassanut aningaasalersuisariaqarneq annikillisinneqassaaq, ernianullu aningaasartuutit annikillillutik. Peqatigisaanillu Namminersorlutik Oqartussanut aningaasaqarnikkut ernumanartukinnerulerpoq.

Danskit naalackersuisui Naalackersuisullu Kalaallit Nunaanni inuiaqatigiinni nutaanik isertitaqalernissamut alliartortitsinissamullu inuussutissarsiornerup ineriartornerata nukittorsarneqartariaqarneranut isumaqataapput. Illuatungeriit attaveqaatinut aningaasaliissutit Kalaallit Nunaanni aningaasaqarnikkut inuussutissarsiornermilu siuarsaasoqarnissaanut piunasaqaatit pingaaruteqartutut isigaat.

Inatsisartut mittarfiit pillugit suliniut pillugu aalajangiinerat aamma Danmarkimi aamma Kalaallit Nunaanni oqartussat akuerisaat eqqarsaatigalugit Danskit naalackersuisui Naalackersuisullu makku isumaqatigiissutigaat:

- *Naalagaaffik Nuummi Ilulissanilu mittarfiit pillugit suliniummut pimoorussilluni suleqataassaaq taassumunngalu aningaasalersuinissamut peqataassalluni.*
- *Suliniutissat ataatsimoorussassat Kalaallit Nunaanni inuussutissarsiornerup ineriartorneranut siuarsaasinnaasut aamma Danmarkip Kalaallillu Nunaata akornanni suleqatigiinnerannut nukittorsaataasinnaasut aallartinneqassapput. Namminersorlutik Oqartussat naalagaaffillu Greenland Venturemut aamma Vækstfondenimut Kalaallit Nunaanni inuussutissarsiornermut tapersersuillualereerlutik suleqataallualereersunut aningaasaleqqinnissaat illuatungeriit pissusissamisoornerpaasoraat.*

Illuatungeriit makku isumaqatigiissutigaat:

1. *Namminersorlutik Oqartussat Nuummi Ilulissanilu mittarfinnik sanaartornissamut namminneq aningaasaatiminnit 1,4 mia. kr.-nik aamma akisussaalluni taarsigassarsinikkut aningaasaatiminnit 0,1 mia. kr.-nik tapiissutissaasa saniisigut – taarsigassarsiat aningaasalersorneqarnissaat annikilliniarlugittaaq – naalagaaffik Kalaallit Airports A/S-ip ingerlatseqatigiiffiata Nuummi Ilulissanilu mittarfinnik ingerlatsinissaanut sanaartortitsinissaanullu nammineq aningaasaatiminit akiliissaaq 33,3 pct.-iillu sinnilaarlugit piginneqataassutsimik 700 mio. kr.-nik naleqartumik piginnittunngorluni.*

Piginneqataasutut pisinnaatitaaffiit ilanngullugit piginnittuunermut isumaqatigiissut atuuttunngortinneqarpoq, taanna pingaarnertut makkuninnga aalajangersakkanik imaqarpoq: Niuernermi piunasaqaatit ilannguttussaanninnerlu pillugu tunngavigisaq naapertorlugit (i) piginnittuunermut tunngaviit, (ii) itigartitsinnaatitaaneq, (iii) aqutsisut katitigaanerat, (iv) iluanaarutissatut naatsorsuutigisinnaasat, (v) piginneqataassutsit aqutsisullu katitigaanerisa allanngornerat, (vi) paasissutissat

ingerlaarnerat, (vii) saqitsaannernik aaqqiissuteqarneq, (viii) susassaqaqatit allallu akornanni pissutsit.

Piginnittuuneq pillugu isumaqatigiissummut atatillugu pissutsit allat Naalakkersuisut Siulittaasuata finansministerillu akornanni isumaqatigiisutigineqassapput.

- 2. Kalaallit Airports A/S-ip Nuummi Ilulissanilu mittarfinnik sanaartornissamut ingerlatsinissamullu ingerlatseqatigiiffiutaa Den Nordiske Investeringsbankimut 450 mio. koruunit tungaanut taarsigassarsinissaanut Naalagaaffik sillimmasiissaaq.*

Naalagaaffiup sillimmasiinissaa pillugu pissutsit allat Aningaasaqarnermut Naalakkersuisup Finansministerillu akornanni isumaqatigiisutigineqassapput.

Den Nordiske Investeringsbankimit taarsigassarsisoqanngitsuussappat, allamut aningaaserisumut 450 mio. koruunit tungaanut taarsigassarsiffissarsiornissamut apeqqut Aningaasaqarnermut Naalakkersuisup Finansministerillu eqqartussavaat. Taamatullu pisoqassappat Naalagaaffiup sillimmasiinissamut pissutsit allanngortinnagit allamut taarsigassarsititsisussamut sillimmasiiniarnini uppersarpaa.

- 3. Naalagaaffiup Kalaallit Airports A/S-ip Nuummi Ilulissanilu mittarfinnik sanaartornissamut ingerlatsinissamullu ingerlatseqatigiiffiutaanut 450 mio. koruunit tungaanut taarsigasseeqqippoq taarsigassarsinissamut isumaqatigiisut eqqunngitsumik atorqassappat naalagaaffik isumaqatigiisuteqarnikkut taarsigassanik nammineq aningaasaatinngortitsisinnaannortillugu. Taamaakkaluartoq naalagaaffiup Kalaallit Airports A/S-ip Nuummi Ilulissanilu mittarfinnik sanaartornissamut ingerlatsinissamullu ingerlatseqatigiiffiutaanik piginneqataassutai amerlanerussuteqarsinnaanngillat.*

Taarsigasseeqqinnermut atatillugu pissutsit allat, matumani allanngortitsisinnaatitaaneq (konverteringsretten) ilanngullugu, Kalaallit Airports A/S-ip Nuummi Ilulissanilu mittarfinnik sanaartornissamut ingerlatsinissamullu ingerlatseqatigiiffiutaanit, finansministerimit kiisalu Aningaasaqarnermut Naalakkersuisumit isumaqatigiisutigineqassapput.

Sanaartornissamut aningaasartuutit naatsorsuutigigallakkamit amerlaneruppata imaluunniit sanaartornissamut aningaasartuutit ilaat sukkasuumik akilersorneqartariaqassappata naalagaaffik isumaqatigiisuteqarnikkut ingerlatseqatigiiffimmut annerusumik taarsigasseeqqissinnaavoq.

- 4. Namminersorlutik Oqartussat naalagaaffillu Greenland Venturemut Vækstfondenilmullu 200 mio. kr.-nik Kalaallit Nunaanni aningaasaliinernut ataatsimoorussanut atugassanik aningaasaatissatut tapiissuteqarput. Namminersorlutik Oqartussat naalagaaffillu aningaasaliissutissanit tamarmiusunit 20 mio. kr.-nik aamma 180 mio. kr.-nik*

anigaasaliissuteqarput, tassanilu siunertarinerpoq Greenland Venture Vækstfondenilu immikkut 100 mio. kr.-nik tunineqarnissaat. Greenland Venture Namminersorlutik Oqartussanit 100 pct.-imik pigineqaannassaaq.

Taassuma saniatigut Greenland ilaatigut Venture Vækstfondenilu tunngaviliussaq qaangernagu Kalaallit Nunaanni inuussutissarsiornikkut suliniutinut pineqartunut nutaarsaasinnaanasammata Namminersorlutik Oqartussat naalagaaffillu 20 mio. kr.-nik inuussutissarsiornermut puljemik pilersitsipput. Namminersorlutik Oqartussat puljemut 2 mio. kr.-nik naalagaaffillu 18 mio. kr.-nik anigaasalersuissapput, tassanilu siunertarinerpoq Greenland Venture Vækstfondenilu immikkut 10 mio. kr.-nik tunineqarnissaat.

Namminersorlutik Oqartussat naalagaaffiullu anigaasaliissutai inuussutissarsiornermullu pujlep pilersinneranut pillugit pissutsit allat Inuussutissarsiornermut Nukissiuteqarnermullu Naalakkersuisup erhvervsministerillu isumaqatigiissutigissavaat.

Illuatungeriit Air Greenland A/S-imik piginnittuunerup katitigaanera allanngortinnissaa siunertaraat, tassa Namminersorlutik Oqartussat Air Greenland A/S-imik piginneqataassutsit naalagaaffimmit pisiariniarpaat. Taamaattoqassappat Namminersorlutik Oqartussat piginneqataassutsinik pisineranut pissutsit qassiit illuatungeriinnut tamanut naammaginarpuussapput, matumani nalinganik inissiinissaq ilanngullugu.

Naalagaaffiup inuussutissarsiornermi suleqatigiinnermut annertusisamut anigaasaliissuteqarluni tapiissuteqarnermut pissutaavoq illuatungeriit Air Greenland A/S-imik piginnittuunerup katitigaaneranik allanngortitsisoqarnissaanik isumaqatigiimmata.

Namminersorlutik Oqartussat naalagaaffimmit Air Greenland A/S-imik piginneqataassutsinik pisinissaat pillugu pissutsit allat Naalakkersuisut Siulittaasuata finansministerillu isumaqatigiissutigissavaat.

Kalaallit Nunaanni Vækstfonden alliertortitsinissamut sillimmasiisinniassammat danskit naalakkersuisui inatsit allanngortinnissaanut sulissuteqassaaq, tamannami pingaartumik ass. sanaartugassanut annertuunut anigaasaliinernut periarfissaqarluarmat.”

2. Allanguutissatut siunnersuut

Allanguutissatut siunnersuut saqqummiunneqarpoq, taamaalilluni Inatsisartut inatsisaat anigaasanut inatsimmi maleruagassiinermut ilanngullugu danskit naalakkersuisuisa aamma

Naalackersuisut akornanni isumaqatigiissutip piviusunnngortinneqarnissaanut tunngavissiisinnaassalluni.

Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmut immikkoortorta qarfiusumut aammalu Qaqortumi nunap immikkoortuani mittarfiup sanaartorneqarnissaanut ingerlanneqarnissaannullu ingerlatseqatigiiffimmut immikkoortorta qarfiusumut ingerlatseqatigiiffittut qullersaqarfiusutut/ingerlatseqatigiiffittut piginnittuusutut aaqqissuunneqarsinnaavoq. Ingerlatseqatigiiffik immikkoortorta qarfiusoq aktiaatilinnit arlalinnit pigineqartuusinnaavoq.

Namminersorlutik Oqartussat maannamut 2,1 mia. koruunit tikillugit mittarfiliassanut ataatsikkut akilerlugit nammineq aningaasaatinut inissiinissaat pilersaarutigineqartoq aalajangiuisimaneqarpoq. Namminersorlutik Oqartussat nammineq aningaasaatinut aningaasalersuutissai 2,1 mia. koruunit tikillugit maannamut pilersaarutigineqartutut, Nuummi aamma Ilulissani nunanit tamalaanit mittarfiit sanaartorneqarnerannut aningaasalersuinerup ilaanut aammalu Qaqortumi nunap immikkoortuani mittarfiup sanaartorneqarneranut tamakkiisumik nammineq aningaasalersuinerumut, atorneqassapput.

Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlatseqatigiiffimmi immikkoortorta qarfiusumi aningaasaatit qaffanneqaqqinnissaannut ammaassisooqarpoq. 0,7 mia. koruunit tikillugit ataatsikkut akilerlugit aningaasaatinik qaffaanermut naalagaaffiup atsiortinnissaanut Naalackersuisut piginnaatinneqarput. Taamaattoqassappat naalagaaffiup nammineq aningaasaatinit aningaasalersuinerumut ilassutissai, Nuummi aamma Ilulissani nunanit tamalaanit mittarfinnik sanaartornerumut taarsigassarsianik aningaasalersuinissamut pisariaqartitsinermik annikillisitseqataassapput.

Namminersorlutik Oqartussat maannamut Nuummi aamma Ilulissani nunanit tamalaanit mittarfiit sanaartornissaannut aningaasalersuinerup ilaanut ataatsikkut akilerlugit nammineq aningaasaatinit aningaasalersuinissamik maannamut naatsorsuutigisaqarneranni, naalagaaffik 0,7 mia. koruuninik akiliuteqarnermi Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi, naalagaaffiup aallarniutitut akiliutaanut naleqqiullugu nalingatut annertussusilimmik, piginneqataassuteqalersinnaassaaq.

Allannguutissatut siunnersuummi Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi nammineq aningaasaatitut naalagaaffiup 0,7 mia. koruuninik akiliuteqarneranut atasumik ingerlatseqatigiiffinnut inatsisitigut aalajangiinerit pisariaqartut ingerlannissaannut Naalackersuisut piginnaatinneqarput.

Allanguutissatut siunnersuummi ilanngullugu Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi aktiaatillit pisinnaatitaaffii pillugit danskit naalakkersuisuinut piginnittut isumaqatigiissutaannik isumaqatigiissuteqarnissamut Naalakkersuisut piginnaatinnearput. Naalakkersuisut aamma danskit naalakkersuisuisa akornanni isumaqatigiissut, Kalaallit Airports A/S-ip ingerlatseqatigiiffiit qullersaqarfiattut aammalu danskit aningaasaqarnermut ministeriata akornanni piginnittut isumaqatigiissuteqarnerattut, pisortatigoortumik atuutsinneqalissaaq.

Naalakkersuisut aamma danskit naalakkersuisui isumaqatigiipput, naalagaaffik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmut immikkoortorta qarfiusumut, katillugit 0,9 mia. koruuninik annertussusilinnik taarsigassarsititseqqissasoq aammalu Den Nordiske Investeringsbank-imi taarsigassarsinissamut qularnaveeqqusiissasoq. Tamatuma malitsigisaanik Inatsisartut inatsisissaattut siunnersuummi siunnersuutigineqareersumi allangortitsinissamut pissutissaqalersitsisoqanngilaq.

Siunnersuutigineqarpoq Nuummi aamma Ilulissani Namminersorlutik Oqartussat mittarfiisa tunniunnessaannut Naalakkersuisut piginnaatinneqassasut, ilanngullugit pigisat aalaakkaasut aamma teknikkikkut atortut imaluunniit taakkua ilai kiisalu Kalaallit Airports A/S-imut nunaminertanut pisinnaatitaaffiit taakkununga atasut. Tunniussineq isumaqatigiissuteqarnikkut imaluunniit aallarniutitut akiliuteqarnikkut pisinnaavoq. Pigisat pineqartut nalinginut nalilersuineramik soqanngilaq.

Inatsisissatut siunnersuummi saqqummiunneqaqqaartumi § 6, imm. 4-mi aalajangersagaq peerneqarpoq. Tamatumunnga pissutaavoq Kalaallit Airports A/S-ip pigisani tunniunneqarsimasuni nunami mingutsitsisoqarsimasinnaaneranut akisussaatinneqanngissinnaanera, tunniussinermut atatillugu maleruagassiivigineqartariaqarmat aammalu tamatumunnga atatillugu nalinga aalajangersarneqarsinnaassalluni.

Illuliornermi sanaartornermilu sulisut, illuliornermik sanaartornermillu suliaqarnerni Inatsisartut inatsisaanni pineqartuni sulisorineqartut, peqqissutsikkut sullinneqarnerat pillugu siunnersuummi § 11-ip allangortinneqarnissaa pissutissaqarsorineqarpoq. Siunnersuutigineqarpoq sillimmasiisoqassasoq, illuliornermi sanaartornermilu sulisorineqartut, peqqinnissaqarfiup sullississutai pillugit inatsisini sukkulluunniit atuuttuni akeqanngitsumik sullinneqarnissamut pisinnaatitaanngitsut, aallarunneqarnissaannut, assartorneqarnissaannut katsorsarneqarnissaannullu Kalaallit Nunaanni peqqinnissaqarfiup aningaasartuutaannik matussusiisussamik.

Kiisalu inatsisissatut siunnersuummi saqqummiunneqaqqaartumi § 11-mi peqqinnissamut tunngasut aalajangersakkat aalajangersimasut peerneqarput. Tamanna pillugu aalajangersakkat peqqissutsimut suliaasaqarfimmi maleruagassanut tunngaviusuni ilanngunneqartariaqarput aammalu sanaartugassamut immikkuullarissumuinnaq pinnani, inunnut aamma suliffeqarfinnut attuumassuteqartunut tamaginnut atuuttariaqarlutik.

3. Pisortanut aningaasaqarnikkut allaffissornikkullu sunniutaasussat

Kalaallit Nunaanni mittarfiliassani suleqataanissaq aammalu Danmarkimut inuussutissarsiornikkut suleqateqarnerup nukittorsarneqarnissaa pillugit Naalakkersuisut aamma danskit naalakkersuisuisa akornanni isumaqatigiissutip (matuma kingorna ”Isumaqatigiissut”) kingunerisaanik, Kalaallit Airports A/S-ip ingerlatsinissamut aningaasalersuinissamullu pilersaarutaani naatsorsuutigineqaqqaartunit akilersuutinik ikinnerusunik aammalu erniat annikinnerusunik aningaasartaqartillugit Kalaallit Airports A/S akiliisartussanngussaaq. Kalaallit Airports A/S maannamut naatsorsuutigineqartunit ikinnerusunik akilersuutinik aammalu erniat annikinnerusunik aningaasartaqartillugit akiliisartussanngorpat, tamanna pisortanut arlalinnik aningaasaqarnikkut allaffissornikkullu sunniuteqassaaq, tassami Kalaallit Airports A/S Namminersorlutik Oqartussanit pigineqarmat.

Isumaqatigiissutip malitsigissavai:

- Kalaallit Airports A/S-mi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi nammineq aningaasaatit 700 mio. koruuninik amerlanerulernerat. Tamatuma kingunerisaanik allaniit allatut ittumik aningaasalersuinermi ernianut akiliuteqartoqassanngilaq, taamatullu akilersuisussaataaneq atorunnaassalluni. Pisut marluk taakkua Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi aningaasaqarnermik pitsaanerulersitsissapput aammalu suliaasaq inuiaqatigiinnut naleqarnerulersissallugu. Allaniit allatut ilusilimmik aningaasalersuinissamut taarsiullugu naalagaaffimmit 450 mio. koruuninik taarsigassarsititseqqinnerup aamma malitsigisaanik Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi ernianut aningaasartuutit annikillissapput. Taamatuttaaq Nordisk Investeringsbank-imi taarsigassarsianut naalagaaffiup qularnaveeqqusiinera, allatut iliuusissamit Namminersorlutik Oqartussat qularnaveeqqusiinissaannit, appasinnerusunik ernianut aningaasartuuteqarnermik malitseqassaaq. Pisut marluusut taakkua tamarmik suliaasaq inuiaqatigiinnut naleqarnerulersissavaat aammalu Namminersorlutik Oqartussat annaasaqarsinnaanerat annikinnerulersissallugu.

- Kalaallit Airports A/S patajaassuseqarnerulissaaq, tassami Kalaallit Airports A/S-imi Nuummi aamma Ilulissani mittarfiit sanaartorneqarnissaannut ingerlanneqarnissaannullu ingerlatseqatigiiffik immikkoortorta qarfiusoq maannakkut, aaqiagiinnigissutaasunut atatillugu ingerlatseqatigiiffiup soqutigisaannik isumaginninnissamut marlunnik piginnittoqalissammat aammalu tamatumunnga pisariaqartitsisoqalissappat, ingerlatseqatigiiffimmi aningaasaatinut akiliuteqarnissamut piginnittut marluulissallutik. Illuatunga atigut piginnittuunerup avinneqarnera aamma tunngaviatigut piginnittut akornanni isumaqatigiinnigissuteqalernermik malitseqarsinnaavoq, tamannalu Kalaallit Airports A/S-imi periusissatut ineriartortitsinermut tunngatillugu siunissami unammilligassaqartitsisinnaalluni.
- Naalakkersuisut Nuummi aamma Ilulissani mittarfiliornissamut tunngatillugu pinngitsoorani annaasaqaataasinnaasunik kisermaassisussaajunnaassasoq, kisianni Naalakkersuisut annaasaqarsinnaanermi tassani danskit naalakkersuisui avitseqatigisussangussagai. Annaasaqarsinnaanerup aalajangersimasumik agguarneqarnissaanut, piginnittut isumaqatigiissutaata/aktiaatillit isumaqatigiissutaata ilusiligaanissaa apeqqutaassaaq.
- Naalakkersuisut Qaqortumi mittarfimmik kisimiillutik piginnittuuginnassasut, aammalu Qaqortumi mittarfiornermut tunngatillugu pinngitsoorani annaasaqaataasinnaasunik kisermaassisussaassalluni.

Pissarsiassanik akiliuteqarnerit Nuummi aamma Ilulissanni mittarfiit pissutissaqalersitsiviginnaasaat, qanoq annertutigisumik aammalu qanoq naalagaaffimmut aveqatigiissutiginnissaannut, piginnittut isumaqatigiissutaata/aktiaatillit isumaqatigiissutaata isumaqatiginninniutigalugu inissinneqartussaq, apeqqutaassaaq.

Inuiaqatigiit aningaasaqarneranni misissueqqissaarnermut tunngatillugu Isumaqatigiissut aarlerinaataasuni kiisalu misissueqqissaarnerup inernerinut aningaasaqarnikkut sunnuteqarnermik malitseqassaaq. Tulliuttuni sunniinerit marluusut taakkua tamarmik, assigiimmik periaaseqarneq aallaavigalugu aammalu tunngavigisat assigiit inuiaqatigiit aningaasaqarneranni misissueqqissaarnermi 2018-imi upernaakkut suliarineqartumi atornerqartut, atorlugit, allaaserineqarput.

Aarlerinaataasunik nalilersuineq

Kalaallit Nunaannit isigalugu aarlerinaataasut Isumaqatigiissutip malitsigisaanik allangussapput, pissutigalugu Naalakkersuisut Nuuk aamma Ilulissat pillugit mittarfinnut aningaasaliinernut tunngatillugu aarlerinaataasuni danskit naalakkersuisui avitseqatigisussangussammasigit, Qaqortumut tunngatillugu aarlerinaataasut Naalakkersuisuniiginnassallutik.

Isumaqatigiissutip malitsigisaanik nammineq aningaasaatit qaffassapput, tamannalu Kalaallit Airports A/S-imi aningaasaqarnikkut patajaassuseqarnerulernermik malitseqartussaavoq. Kalaallit Airports A/S aningaasaqarnikkut patajaassuseqarnerulerpat, tamatuma aamma kingunerisaanik Naalakkersuisut Kalaallit Airports A/S-imut tunngatillugu pisussaaffigisinnaasaat annikillissapput.

Illuatungaatigut piginnittuuneq avillugu ilusiliinermi tamatigut piginnittut akornanni isumaqatigiinnittoqalersinnaanera aarlerinaateqartarpoq, tamannalu pisuni aalajangersimasuni Kalaallit Airports A/S-ip ineriartorteqqinneqarneranut tunngatillugu ajoqutissartaqarsinnaassaaq.

Isumaqatigiissutip inuiaqatigiit aningaasaqarnerannut sunniutissai

Pingaarnertigut Isumaqatigiissut inuiaqatigiit aningaasaqarneranni misissueqqissaarnerup sunnerneqarnissaanut imminnut akerleriittunik marlunnik sunniuteqassasoq naatsorsuutigineqarpoq:

- 1) Kalaallit Airports A/S-imi Nuummi aamma Ilulissani mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortortaqarfiusumi danskit naalagaaffiata piginneqataanerata kingunerisaanik naatsorsuutigineqarpoq, mittarfinnit taakkunanga pissarsiassat naatsorsuutigineqaqqaartut ilai naalagaaffimmut tuttusanngussasut, tamannalu inuiaqatigiit aningaasaqarneranni misissueqqissaarnermut sunniuteqarnerlussaaq.
- 2) Kalaallit Airports A/S-imi naalagaaffiup nammineq aningaasaatinut akiliuteqarnerata aammalu taarsigassarsiassat qularnaveeqqusigaasut kiisalu taarsigassarsitseqqinnerup malitsigisaannik ernianut akilersuutinullu sipaaruteqartoqassaaq, tamannalu Nuummi Ilulissanilu mittarfinni atuisut akiliuteqartinnissaasa annikillisissinnaassusaanut, Kalaallit Airports A/S-imi pitsaasumik iluaqutaassaaq. Tamanna periarfissatut ilusiliani allani maannakkut naliusunut, taamaalillunilu inuiaqatigiit aningaasaqarneranni misissueqqissaarnerup inerneranut, pitsaasumik sunniuteqassaaq.

Ataatsimut isigalugu Isumaqatigiissut inuiaqatigiit aningaasaqarneranni ilanngaaseereernermi iluanaaruteqarnerup annertunerulerneranik malitseqassaaq.

Isumaqatigiissutip inuiaqatigiit aningaasaqarnerannut sunniutissai, danskit naalakkersuisuisa aamma Naalakkersuisut akornanni piginnittut isumaqatigiissutaata/aktiaatillit isumaqatigiissutaata pisussap imarisassaannut tunngatillugu tunngavigisat arlallit tunngavigalugit naatsorsorneqarput.

Tunngavigisat taakkua ilaatigut tassaapput:

- Kalaallit Airports A/S-imit Namminersorlutik Oqartussanut pissarsiarititassatut naatsorsuutigineqaqqaartut 33 %-ii naalagaaffimmut agguagarsiaritinneqassapput.

- Aningaasalersuinermit aningaasartuutini sipaarutissat tamarmik atuisut akiliutaasa annikillinnissaannut atorpeqassapput.
- Inuiaqatigiit aningaasaqarneranni misissueqqissaarnermi periaatsimut naapertuuttumik naatsorsuutigineqarpoq imarpik qulaallugu timmisartunut mittarfinnik atuisut 51 %-ii ”inuiaqatigiinnut attuumassuteqartuusut” (ilaasut Kalaallit Nunaannut attuumassuteqartut). Taamaattumik aningaasalersuinermit aningaasartuutini sipaarutissat taamaallaat 51 %-ii inuiaqatigiit aningaasaqarneranni misissueqqissaarnermi naatsorsuinermi ilanngunneqarsinnaapput.
- Sinneruttut 49 %-it takornarianut aamma sulinerminni angalasunut Kalaallit Nunaannut toqqaannartumik attuumassuteqanngitsunut tunngassuteqarput, taamaattumillu naatsorsuinermi ilanngunneqaratik.
- Nuummi aamma Ilulissani mittarfiit pioreersut nalingi ilisimaneqanngimmata, taakkua nalingi naatsorsuinermi 0 koruuniutinneqassasoq naatsorsuutigineqarpoq.

Tunngavigisat matuma siulianiittut atorneranni, tamanna Periarfissatut ilusiliap aallaaviusup aamma Periarfissatut ilusiliat allat assigiinngissutaasa 339 mio. koruuninik annertusinerannik malitseqassaaq. 339 mio. koruuninik annertusititsineq sunniinerit imminnut akerleriittut makkua sunniutigaat:


- Inuiaqatigiit aningaasaqarneranni misissueqqissaarnermi Kalaallit Airports A/S-imit Namminersorlutik Oqartussanut pissarsiarititassat maannakkut naliusumi 435 mio. koruuniusut agguagarsiassaritinneqassasut naatsorsuinermi ilanngunneqaaqqaarpoq. Pissarsiassat taakkua maannakkut naalagaaffimmut avitseqatigiiffiutigineqassapput, taamaattumik maannakkut naliusumi 145 mio. koruunit naalagaaffimmut agguagarsiaritinneqassasut naatsorsuutigineqarluni. Taamaalilluni Namminersorlutik Oqartussanut pissarsiarititassat, inuiaqatigiit aningaasaqarneranni misissueqqissaarnermi ilanngullugit naatsorsorneqartut 290 mio. koruuniulissapput.
- Erniat siparneqartut maannakkut naliusumi ataatsimut katillugit 249 mio. koruuninik aningaasartaqartut, taakkunannga 51 %-it, 127 mio. koruuninik annertussuseqartut, inuiaqatigiit aningaasaqarneranni misissueqqissaarnermi naatsorsuinermi ilanngunneqarlutik.
- Akilersuutissat siparneqartut 700 mio. koruunit, taakkunannga 51 %-it, 357 mio. koruuninik annertussuseqartut, inuiaqatigiit aningaasaqarneranni misissueqqissaarnermi naatsorsuinermi ilanngunneqarlutik.

Sunniinerit imminnut akerleriittut taakkua ataatsimoortillugit kingunerisaannik, inuiaqatigiit aningaasaqarneranni ilanngaaseereernermi iluanaarutissat 339 mio. koruuninik amerlissapput. Tamanna Namminersorlutik Oqartussanut pissariarititassat naatsorsuinermi ilanngunneqartut 145 mio. koruuninik annikillinerisa inernerfaat, aningaasalersuinermit aningaasartuutininik sipaaruteqarnerup malitsigisaanik inuiaqatigiit iluanaaruteqassallutik. Taakkua atuisut

akiliutaasa appartinnissaannut ator neqassapput, tamannalu maannakut naliusumi 484 mio. koruuninik inuiaqatigiit aningaasaqarneranni pitsaasumik sunniissaaq.

Ilusiliami matuma kingulianiittumi Periarfissatut ilusiliaq alla 1-imi aamma Periarfissatut ilusiliaq alla 2-mi maannakut naliusumi Isumaqaqatigiissutip sunniinera takutinneqarpoq.

Ilusiliaq 1 – Isumaqaqatigiissutip inuiaqatigiit aningaasaqarneranni sunniutissai



Najoqqutarisaaq: Aningaasaqarnermut Akileraartarnermullu Naalakkersuisoqarfik, MIT, Sweco, Rambøll, Kalaallit Airports A/S

Periarfissatut ilusiliaq alla 1-imi maannakut naliusooq 280 mio. koruuninut 619 mio. koruuninut annertusitinneqarpoq aammalu Periarfissatut ilusiliamut aallaaviusumut assigiinngissutaa 1.365 mio. koruuninut 1.704 mio. koruuninut annertusitillugu.

Periarfissatut ilusiliaq alla 2-mi maannakut naliusooq -241 mio. koruuninut 98 mio. koruuninut annertusitinneqarpoq aammalu Periarfissatut ilusiliamut aallaaviusumut assigiinngissutaa 844 mio. koruuninut 1.183 mio. koruuninut annertusitillugu.

Peqqinnissaqarfimmut aningaasaqarnikkut sunniutaasussat

Suliassaq mittarfiliassatut ittoq taama annertutigisoq annertoorejussuursorlu soorunami peqqinnissaqarfimmut sunniisussaavoq aammalu peqqinnissaqarfimmi allani malittaasumik sunniuteqanngitsumik aningaasaliissutit pioreersut iluanniitinneqarsinnaanngitsunik annikinngitsunik tamatumunnga naleqqiullugu aningaasartuuteqarnerulernermik malitseqartussaalluni.

Naatsorsuutigineqarpoq aningaasartuutaanerulersut siunissami aningaasanut inatsisitigut aningaasaliissuteqarneranni suleriaatsit ator neqartartut atorlugit matussuserneqassasut.

4. Inuussutissarsiortunut aningaasaqarnikkut allaffissornikkullu sunniutaasussat

Inuussutissarsiortunut aningaasaqarnikkut sunniutaasussanut tunngatillugu, taakkua pingaartumik inuiaqatigiit aningaasaqarneranni misissueqqissaarnermi pitsaassutsinut uuttuutitut ilaatinneqarput, tassami inuussutissarsiortunut sunniutaasussat pingaartumik tassaasussaammata sunniinerit ineriartortuartussat aammalu malittaasumik sunniinerit, naatsorsoruminaatsut.

Iluanaarutit ineriartortuartussat aamma malittaasut, inuiaqatigiit aningaasaqarneranni misissueqqissaarnermi nassuiarneqarput, aammalu Isumaqaqatigiissutip malitsigisaanik sipaarutissat atuisunut akitsuutit appasinnerulernerannik kinguneqassappata, annerusisussaallutik. Tamatuma saniatigut Isumaqaqatigiissutip malitsigisaanik Greenland Venture-mi aamma Vækstfonden-imi aningaasat akiliutigineqartut aamma pitsaasup tungaanut ineriartortuartussanik sunniuteqarnissamut suli annertunerusumik iluaqutaassallutik.

Siunnersuummi aalajangersakkanut ataasiakkaanut nassuiaatit

Nr. 1-imut

Siunnersuummi § 1, imm. 2, uniffik siulleq allangortinneqarpoq, taamaalilluni Kalaallit Airports A/S ingerlatseqatigiiffimmik immikkoortorta qarfiusumik pilersitsisinnaalluni aammalu ingerlatseqatigiiffiup immikkoortorta qarfiusup Kalaallit Airports A/S-imit 100 %-imik pigineqarnissaa piumasaqaatigineqarani. Kalaallit Airports A/S Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmik immikkoortorta qarfiusumik kiisalu Qaqortumi nunap immikkoortuanni mittarfiup sanaartorneqarnissaannut ingerlanneqarnissaannullu ingerlatseqatigiiffimmik immikkoortorta qarfiusumik pilersitsisinnaassaaq.

Oqaasertaliinerup allangortinneqarnerani ilaatigut Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffiit immikkoortorta qarfiusut arlalinnik piginnittoqarsinnaanerit periarfissiissutigineqassaaq, tassanilu ilaavoq naalagaaffik.

Nr. 2-mut

Siunnersuummi § 1-imi imm. 3 ilanngunneqarpoq, tassani Kalaallit Airports A/S aammattaq ingerlatseqatigiiffiup ingerlatseqatigiiffiit immikkoortorta qarfiit pineqartunut ilaatilerlugit nassuiarneqarluni. Aalajangersakkap atuunnerani siunnersuummi aalajangersakkani allani allasimassanngilaq "Kalaallit Airports A/S aamma ingerlatseqatigiiffiit immikkoortorta qarfiusut".

Taamaattoq allannguutissatut siunnersuummi nr. 3-mi § 6, imm. 2-mut siunnersuut erseqqissarneqarpoq, naalagaaffiup aningaasaatinut akiliutai Kalallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffinni immikkoortorta qarfiusuni akiliutigineqassasut.

Taamaattoq allannguutissatut siunnersuummi nr. 3-mi § 6, imm. 3-mut siunnersuummi erseqqissarneqarpoq, Kalallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffinni immikkoortorta qarfiusuni aktiaatillit pisinnaatitaaffii pillugit piginnittut isumaqatigiissutaannik isumaqatigiissuteqarnissamut Naalakkersuisut piginnaatinneqartut.

Allannguutissatut siunnersuummi nr. 4-mi paragraffimut nutaamut siunnersuummi erseqqissarneqarpoq, mittarfinni sanaartukkat il.il. pioreersut Kalallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffinnut immikkoortorta qarfiusunut tunniunneqarsinnaasut.

Nr. 3-mut

Imm. 1-imut.

Siunnersuummi imm. 1-imi, inatsisissatut siunnersuummi § 6, imm. 1 siullermeerinninnermi saqqummiunneqartoq, allannguuteqartinnagu ingerlateqqinneqarpoq. Aalajangersagaq ilanngunneqarpoq, taamaalilluni imm. 2-mut aamma imm. 3-mut siunnersuummut ataqatigiissillugu atuarneqarsinnaassalluni. Aalajangersakkami Kalaallit Airports A/S-imi imaluunniit ingerlatseqatigiiffinni immikkoortorta qarfiusuni ataasiarluni arlaleriarluniluunniit aningaasaatinik qaffaanissamut Naalakkersuisut piginnaatinneqarput.

Imm. 2-mut

Siunnersuummi imm. 2-mi 2,1 mia. koruunit tikillugit Kalaallit Airports A/S-imi ataatsikkut akilerlugit nammineq aningaasaatinik qaffaanissap atsiornissaanut aammalu mittarfeqarfiit il.il. pioreersut aallarniutitut akiliutigineqarnissaannut allannguuteqanngitsumik Naalakkersuisut piginnaatinneqarput.

Siunnersuummi imm. 2 allanngortinneqarpoq, taamaalillutik Naalakkersuisut 0,7 mia. koruunit tikillugit Kalallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffinni ataatsikkut akilerlugit aningaasaatinik qaffaanissaq naalagaaffimmut atsiortinnissaanut piginnaatinneqarlutik, tamatumunnga takuuk ”Danskit Kalaallit Nunaanni mittarfiit pillugit suliniummot tunniusimanissaat aamma Kalaallit Nunaat Danmarkilu inuussutissarsiornermi

suleqatigiinnerunissaat pillugit Naalakkersuisut danskillu naalakkersuisuisa isumaqatigiissutaat”.

Imm. 3-mut

Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi naalagaaffiup 0,7 mia. koruuninik akiliuteqarnerani, piginnittut isumaqatigiissutaannik isumaqatigiissuteqartoqassasoq, isumaqatigiissutigineqarpoq.

Ingerlatseqatigiiffinnut inatsisini maleruagassat nalinginnaasut malillugit aktiaatileqatigiiffimmi piginnittut akornanni isumaqatigiissuteqartoqarsinnaavoq. Namminersorlutik Oqartussat Kalaallit Airports A/S aqutugalugu aktiaatilinni amerlanerussuteqassapput aammalu piginnittut isumaqatigiissutaannik isumaqatigiissuteqarnerup kingunerisaanik piginnittut piginnaatitaaffiisa atornerat aalajangersimasunik killilersorneqassaaq.

Siunnersuummi imm. 3-mi, Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmi immikkoortorta qarfiusumi aktiaatillit pisinnaatitaaffii pillugit danskil naalakkersuisuinut piginnittut isumaqatigiissutaannik isumaqatigiissuteqarnissamut Naalakkersuisut piginnaatinnearput, tamanna pillugu takuuk uani uniffik siulleg ”Danskil Kalaallit Nunaanni mittarfiit pillugit suliniummut tunniusimanissaat aamma Kalaallit Nunaat Danmarkilu inuussutissarsiornermi suleqatigiinnerunissaat pillugit Naalakkersuisut danskillu naalakkersuisuisa isumaqatigiissutaat”.

Nr. 4-mut

Nuummi aamma Ilulissani nunanit tamalaanit mittarfiit sanaartorneqarnissaannut, mittarfinni sanaartukkat il.il. pioreersut erseqqinnerusumik aalajangikkamik annertussusilerlugit Kalaallit Airports A/S-imi Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmut immikkoortorta qarfiusumut tunniunneqarnissaat piumasaqaatigineqassaaq.

Naalakkersuisut mittarfinni sanaartukkat il.il. Kalaallit Airports A/S-imut imaluunniit Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu ingerlatseqatigiiffimmut immikkoortorta qarfiusumut tunniunneqarnissaannut piginnaatinnearput. Tunniussineq ingerlatseqatigiiffinnut inatsisini maleruagassat malillugit aallarniutitut akiliinikkut imaluunniit Naalakkersuisut aamma Kalaallit Airports A/S-imi ingerlatseqatigiiffiup immikkoortorta qarfiusup akornanni Nuummi aamma Ilulissani nunanit tamalaanit mittarfiit sanaartorneqarnissaannut ingerlanneqarnissaannullu isumaqatigiissuteqarnikkut pisinnaassaaq.

Isumaqatigiissut naapertorlugu tunniussinermi, pisinermi akigititassaq, pigisat tunniunneqartut nalinganut naapertuuttumik aningaasartaqartillugit, aalajangersarneqassaaq. Pisinermi akigititassaq ataatsikkut akilerneqassaaq imaluunniit Namminersorlutik Oqartussat taarsigassarsititsinerisigut pisinnaassalluni. Naalakkersuisut taarsigassarsianut atugassarititaasut aalajangersassavaat. Maannakkorpiaq mittarfinni sanaartukkat il.il. nalingannut nalilersuisoqanngilaq. Isumaqatigiissuteqarnikkut imaluunniit aallarniutitut akiliuteqarnikkut tunniussinissaq pillugu aalajangiinermut atatillugu nalinga naliliiffiqineqassaaq.

Nr. 5-imut

Kalaallit Airports A/S-ip neqeroortitsinissamut najoqqutassanut missingiutip suliarineqarneranut atatillugu § 11, imm. 1-imut siunnersuummi erseqqissaanissaq pisariaqartissimavaa. Inatsisissatut siunnersuummi § 11 malillugu pisussaaffinni ilaatinneqarput illuliornermi sanaartornermilu sulisut nunanit allaneersut, inatsisissatut siunnersuummi § 12, nr. 1-3-mi nassuiarneqartut, ilanngullugillu nerisaqartitsineq, ingeniørit aamma eqqiaaneq il.il.

§ 11, imm. 1, nr. 1-imut

Aalajangersagaq allanngortinneqarpoq, taamaalilluni sulisitsisut nunanit allaneersunik illuliornermi sanaartornermilu sulisoqartut, inatsimmi pisussaaffiliisumik sulitilluni ajoqusernissamut sillimasiinissamut aamma inuussutissarsiorluni napparsimalernissamut sillimasiinissamut isumaqatigiissummi pisussaaffilerneqarnissaat Kalaallit Airports A/S-ip qulakkiissallugu.

§ 11, imm. 1, nr. 2-mut

Aalajangersagaq allanngortinneqarpoq, taamaalilluni sulisitsisut nunanit allaneersunik illuliornermi sanaartornermilu sulisoqartut, Kalaallit Nunaanni peqqinnissaqarfiup illuliornermi sanaartornermilu sulisunik napparsimasunik ajoqusersimasunillu, peqqinnissaqarfiup sullississutai pillugit inatsit sukkulluunniit atuuttoq malillugu akeqanngitsumik sullinneqarnissamut pisinnaatitaaffeqartut aallarussinermut, assartuussinermut katsorsaanermullu aningaasartuutaannik matussutissamik, sillimasiinissamut isumaqatigiissummi pisussaaffilerneqarnissaat Kalaallit Airports A/S-ip qulakkiissallugu.

Illuliornermi sanaartornermilu sulisut nunanit allaneersut akeqanngitsumik imaluunniit akiliillutik Kalaallit Nunaanni peqqinnissaqarfimmit sullinneqarnissamut pisinnaatitaanersut, ataasiakkaatigut naliliineq apeqqutaassaaq. Sulitilluni annertunerusumik ajutoortoqartillugu, aallarussinissamik, assartuussinissamik katsorsaanissamillu neqeroorteqartoqarsinnaanersaq, Kalaallit Nunaanni peqqinnissaqarfimmi pisuni ataasiakkaani pisinnaasaqarneq apeqqutaassaaq.

§ 11, imm. 1, nr. 3-mut

Nr. 3-mi inatsisissatut siunnersuummi § 11, imm. 1 nr. 6 siullermeerinninnermut saqqummiunneqartoq allanngortinnagu ingerlateqqinneqarpoq.

Illuliornermi sanaartornermilu sulisut nunanit allaneersut, illuliornermik sanaartornermillu suliaqarnermi, siunnersuummi § 8, imm. 1 naapertorlugu neqeroortitsivigineqartumi, sulinissamut atorfinitsinneqartut, taamaallaat illuliornermik sanaartornermillu suliaqarnermi aalajangersimasumi tassani suliffeqassapput. Illuliornermik sanaartornermillu suliaqarneq aalajangersimasoq taanna atorfinnissamut isumaqatigiisummi nassuiarneqassaaq aammalu mittarfiliassani suliassat pingasut taakkua arlaat ataaseq imaluunniit arlallit pineqartunut ilaatinneqarsinnaallutik. Sulinissamut akuersissut illuliornermik sanaartornermillu suliaqarnermut immikkuullarissumut tassunga tunniunneqartassaaq. Atorfeqarneq unitsinneqarpat, sulinissamut akuersissut ingerlaannaq atorunnaassaaq, pineqartup inatsisit malillugit Kalaallit Nunaanniissinnaajunnaarnera kingunerissallugu, aammalu sulisoq taanna Kalaallit Nunaannit taamaalilluni aallartussanngussalluni.

Nr. 6-imut

Allannguutissatut siunnersuummi taamaallaat, siunnersuummi § 6-ip aggulunneqarnerata aammalu paragraffimik nutaamik ilanngussinerup malitsigisaanik, paragraffimut allamut innersuussummik sunniutaasumik iluarsineq, kisimi pineqarpoq.

Naqissusiinermut akitsuuserneqartussaannngitsuni ilaatinneqarput allakkiat, pappialanngortitat aamma uppersaatit il.il. Nuummi aamma Ilulissani nunanit tamalaanit mittarfiit aamma Qaqortumi nunap immikkoortuani mittarfiup sanaartorneqarnerannut illuliornermillu atatillugu suliarineqartut. Naqissusiinermut akitsuuserneqartussaannngitsuni aammattaaq ilaatinneqarput allakkiat, pappialanngortitat aamma uppersaatit il.il. Namminersorlutik Oqartussanit (Mittarfeqarfiit) Kalaallit Airports A/S-imut imaluunniit Nuummi aamma Ilulissani nunanit tamalaanit mittarfinnik aamma Qaqortumi nunap immikkoortuani mittarfimmik sanaartornermut ingerlatseqatigiiffiit immikkoortorta qarfiusunut pigisanik tunniussinermut atatillugu suliarineqartut.

Sanaartornermi illuliornermilu tamatuma kingorna Nuummi aamma Ilulissani nunanit tamalaanit mittarfinnik aamma Qaqortumi nunap immikkoortuani mittarfimmik ingerlatsineq imaluunniit allanik suliaqarneq siunnersuummi kapitali 5-imi killissaliussat iluanni ingerlanneqarsinnaasoq, pineqartunut ilaangillat.

Nr. 7-imut

Siunnersuutigineqarpoq siunnersuut akuerineqarnermini atuutilissasoq, taamaalillunilu suliassat suliarineqarnerat pisariaqanngitsumik kinguarsaanertaqanngitsumik ingerlateqqinneqarsinnaallutik.